

բային¹ զսուրբ եւ զանարատ եւ զառաքելաշնորհ վարդապետութիւնս, զոր սերմանեալ աճեցոյց ի նոսա սուրբն Գրիգորիոս եւ նորին զաւակքն, որք ուսուցին զճմարիտ եւ զարդար ուսումն ամենայն լսողաց. զոր ինքեանք, նման երանելի առաքելոցն, ընկալան ոչ ի մարդկանէ եւ ոչ ի ձեռն մարդոյ, այլ յազդեցութենէ սուրբ Զոգւոյն շնորհաց: 2 Եւ դարձեալ ժողովեցան միահամուռ, եւ դիմեալք բուռն հարկանէին զոտից սրբոյ առն Աստուծոյ Սահակայ, աղերս թախանձանաց եւ բազմազեղ արտասուս արկեալ առաջի ճմարիտ քահանայապետին եւ ասէն. «Մեղաք յերկինս եւ առաջի քո. թո՛ղ մեզ մեղուցելոցս եւ ձեւացո՛ւ գթեզ ըստ արինակի նախնւոյն քո բարեպաշտի սրբոյն Գրիգորի, որ ոչ յիշեաց զայնչափ տանջանս եւ զքերանս, զոր անցուցին ընդ նա նախնիքն մեր. այլ նմանեալ Արարչին ամենեցուն՝ հատոյց փոխարէնս բարի փոխանակ չարեացն, զոր հասուցին ի վերայ նորա, եւ ծանուցեալ եցոյց ամենայն բանիւ հաւանելոց նմա՝ վարս երկնաթռիչս եւ ճանապարհս աստուածագիւտս. եւ ուսոյց ամենեցունց ասել² հանապազ. «Թո՛ղ մեզ զպարտիս մեր, ըստ մեր թողլոյ մերոց պարտապանաց»: 3 Արդ՝ որ եղեր դու անդադար վարդապետ մեր՝ զնորին փառաւորութիւն³ տպաւորեա՛լ եւ դու ի քոյին անձնդ⁴, զնոյն համբերութեան արինակ, եւ թո՛ղ մեզ զպարտիս մեր: 4 Եւ մեք ջանամք եւ խնդրեմք ի դրանէ՝ հաստատել գթեզ ի բնիկ հայրենի աթոռ կաթողիկոսութեան սուրբ եկեղեցւոյ, յորմէ լուսաւորեալ՝ տեսաք զայն անմատոյց արդարութեան արեգակն: 5 Եւ մի՛ խառնեսցի պղտոր ուսումն ընդ յստակ եւ ականակիտ վարդապետութիւն սրբոյ եւ առաքելանման հայրապետին Գրիգորի. քանզի ահա դեռ թուլացեալ մեղկի ի լոյծ առաջնորդաց⁵ կնիք ականդոց անարատ քարոզութեան սրբոյն⁶, եւ ահա կորնչիմք մեք եւ ծնեալք ի մենջ գլաւիտենական կորուստ»:

6 Սոյնպէս⁷ եւ առաւել եւս քան զսոյն բանս աղաչանաց խաւսեալ միաբանութեամբ ամենայն բազմութեանն ի բազում աւուրս ընդ սրբոյն ի տուէ եւ ի գիշերի անդադար՝ ամենեւին ոչ կարէին խոնարհեցուցանել զմիտս առնն ճմարտի ի բանս խանդաղատականս պաղատանաց իւրեանց: 7 Այլ խաղաղական պատասխանատուութեամբ⁸ ասէր ցամենեսեան, թէ *Ես ոչ ուսայ յերկնաւոր Արարչէն եւ ի վարդապետէն Զրիստոսէ բարկանալ ումեք, որ եւ ի խաչին յաղագս խաչահանուացն աղաչէր զՀայր՝ չհամարել նոցա*

1 Ձ. լուսանցքում ունի ուրիշ գրչով ողբային

2 Ձ. չիք ասել

3 Ձ. նորին փառաւորութեան կամ՝ փառաւորութենէ (անորոշ պատուագրութեամբ)

4 Ձ. անձդ

5 Ձ. թողացեալ մեղկի լոյծ առաջնորդաց

6 Ձ. սրբոցն

7 Ձ. այնպէս

8 Ձ. պատասխանատուութեամբ